



Broj: 01/20-02-1025/22-1
Sarajevo, 30.05.2022. godine

Bosnia i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 30-05-2022

Dr. jed.	Broj	Priloga	Vrijednost

PREDSTAVNIČKOM DOMU
PARLAMENTA FEDERACIJE BiH

Dana 30.05.2022. godine održana je 10. sjednica Odbora za obrazovanje, nauku, kulturu i sport Predstavničkog doma Parlamenta Federacije BiH (u daljem tekstu: Odbor).

Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Nacrt Zakona o doživotnoj mjesečnoj naknadi zaslužnim sportistima u Federaciji BiH, predlagači: Suad Kaknjo i Adisa Kokić - Hinović,
2. Prijedlog Etičkog kodeksa zastupnika u Predstavničkom domu Parlamenta Federacije BiH, predlagač: Etička komisija,
3. Inicijativa za donošenje Zakona o podršci mobilnosti profesionalaca, studenata i učenika u Federaciji BiH, koju je pokrenuo Amer Obradović, zastupnik u Predstavničkom domu Parlamenta Federacije BiH.

Na osnovu člana 44. st. 1. i 2., a u vezi sa članom 75. Poslovnika Predstavničkog doma Parlamenta Federacije BiH, Odbor za obrazovanje, nauku, kulturu i sport podnosi sljedeći

IZVJEŠTAJ

Ad-1. Nacrt Zakona o doživotnoj mjesečnoj naknadi zaslužnim sportistima u Federaciji BiH, predlagači: Suad Kaknjo i Adisa Kokić - Hinović



Uvodno izlaganje dao je prisutni predlagač Suad Kaknjo – zastupnik u Predstavničkom domu Parlamenta Federacije BiH i veoma detaljno upoznao Odbor sa dostavljenim Nacrtom Zakona o doživotnoj mjesečnoj naknadi zaslužnim sportistima u Federaciji BiH.

Nakon što je saslušao uvodno izlaganje, Odbor je obavio diskusiju tokom koje su prisutni članovi Odbora iznijeli svoje prijedloge i sugestije, te na koncu jenoglasno donijeli sljedeće

ZAKLJUČKE

1. Odbor za obrazovanje, nauku, kulturu i sport Predstavničkog doma Parlamenta Federacije BiH smatra da treba izjednačiti prava olimpijaca i paraolimpijaca, odnosno da se izjednače svi sportovi kada su u pitanju finansijska primanja.
2. Odbor za obrazovanje, nauku, kulturu i sport Predstavničkog doma Parlamenta Federacije BiH podržava Nacrt Zakona o doživotnoj mjesečnoj naknadi zaslužnim sportistima u Federaciji BiH i smatra da može poslužiti kao dobra polazna osnova za izradu Prijedloga Zakona.

Ad-2. Prijedlog Etičkog kodeksa zastupnika u Predstavničkom domu Parlamenta Federacije BiH, predlagač: Etička komisija

Sjednici Odbora prisustvovala je Samira Begić – predsjednica Etičke komisije i veoma detaljno upoznala prisutne članove Odbora sa dostavljenim Prijedlogom Etičkog kodeksa. Nakon uvodnog izlaganja, Odbor je obavio diskusiju i pristupio glasanju, te jednoglasno donio sljedeći

ZAKLJUČAK

1. Odbor za obrazovanje, nauku, kulturu i sport Predstavničkog doma Parlamenta Federacije BiH podržava Prijedlog Etičkog kodeksa zastupnika u Predstavničkom domu Parlamenta Federacije BiH i predlaže da isti ide u daljnju parlamentarnu proceduru.

Ad-3. Inicijativa za donošenje Zakona o podršci mobilnosti profesionalaca, studenata i učenika u Federaciji BiH, koju je pokrenuo Amer Obradović, zastupnik u Predstavničkom domu Parlamenta Federacije BiH



U skladu sa članom 51. Poslovnika Predstavničkog doma, Odbor nije razmatrao ovu tačku dnevnog reda, jer na sjednici Odbora nije bilo prisutnog predlagača navedene Inicijative.

U skladu sa članom 53. Poslovnika Predstavničkog doma Parlamenta Federacije BiH za izvjestioca je određen Mirsad Pindžo, predsjednik Odbora.

PREDSJEDNIK ODBORA

Mirsad Pindžo, s.r.